

EKONOMIA-JARDUEREN GAINEN ZERGA

2. ordenantza

I.- Gutxieneko kuoten gainean aplikatu beharreko indizeen eskala.

Jarduera-lokala aurkitzen den kaleak lurraren kontribuzioaren zonakatzeko fiskalean duen kategoria, eta aplikatu beharreko indizea:

- 01, 02, 03 eta 05 balio-eremuak: 1,40
- 06, 07, 08 eta 10 balio-eremuak: 1,38
- 04, 11, 12 eta 13 balio-eremuak: 1,36
- 09, 14, 15 eta 16 balio-eremuak: 1,34
- 17, 18 eta 19 balio-eremuak: 1,32

II.- Kuota gutxitzeko irizpideak, bide publikoan egin beharreko obrek hiru hilabete baino gehiago iraun eta maiatzaren 28ko 7/1996 Foru Legearen 6. dibisioan sailkatutako jardueren egoitza diren lokalak ukitzen badituzte.

1.- Baldin eta bide publikoan obrak egitean obrek hiru hilabete baino gehiago iraun eta merkataritzari, jatetxeari, ostalaritzari eta konponketari dagozkien jardueren egoitza diren lokalak (maiatzaren 28ko 7/1996 Foru Legearen 6. dibisioan sailkatutako jardueren egoitza direnak) ukitzen badituzte, eta jarduera horiek udal-kuota ordaintzen badute, subjektu pasiboek kuota hori gehienez ere % 80 murrizteko eskatzen ahalko diote Udalari.

2.- Obren iraupena baldintza da murriztapena emateko, eta murriztapena bakarrik aplikatuko da, obrek hiru hilabete baino gehiago iraun badute, eta, betiere, haien esparrua proiektu edo esleipen bakar batean jasota badaude. Aurrekoa gorabehera, obrek lokal jakin bat ukitu bitarteko epeak ez du zertan izan obra egiteko epe bera. Horrenbestez, ekonomia-jardueren gaineko zergaren kuoten hobaria obrek lokala zenbateraino eta noiztik noiz arte ukitu eta irizpide horien arabera kalkulatuko dira.

3.- Kuota-murriztapenaren ehunekoa obrek lokaletan duten eraginaren arabera graduatze aldera, lokalak zenbateraino ukituak diren eta horren arabera sailkatuko dira, betiere honako hauei buruz txosten teknikoa eman eta gero:

- Lehen. Obrek zuzenean edo zeharka ukitzen dituzten, betiere lokalak obrak hartutako eremuko kaleetan edo haien inguruetan kokaturik dauden.

- Bigarrena. Obrek eragina handia edo txikia duten –zuzenean ukitutakotzat sailkatutako lokalen kasuan– edo eragin ertaina, baxua edo ia ezdeusa –zeharka ukitutakotzat jotakoen artean–.

Ekonomia-jardueren gaineko zergaren kuota murrizteko ehunekoa, ukipen-mota bakoitzean, taula hau aplikatuta aterako da:

Kalea edo kale-tartea zenbateraino ukitu	Eragin-maila	Murriztapenaren ehunekoa (*) ekonomia-jardueren gaineko zergan
Zuzeneko ukipena (lokalak, obren eremuetan)	1. fasea (eragin handia)	% 80
	2. fasea (eragin txikia)	% 40
Zeharkako ukipena (lokalak, obren eremuaren inguruetan)	Eragin ertaina	% 40
	Eragin txikia	% 20
	Kasik eraginik ez	% 0

(*) Kasuan-kasuan finkatzen den murriztapenaren ehunekoa (% 80, % 40 eta % 20) obrek lokalak zenbateraino ukitu eta horren arabera kalkulatu den gutxitzekoa da; horrenbestez, bakarrik aplikatzen ahalko da oso-osorik, baldin eta egoerak epe osoa bitartean iraun badu (urtebetea).

4.- Obrek lokala noiz arte ukitu eta horrek zedarrizko du aplikatu behar den murriztapenaren ehunekoa. Horrenbestez, lokal bakoitzerako, aurreko puntuan ukipen-mailaren arabera egokitutako ehunekoa koefiziente batekin haztatuko da, obrek lokala ukiturik duten hilabete-kopurua urtearen 12 hilabeteen artean zatituz ateratzen denarekin haztatu ere ($K = \text{hilabete kopurua} / 12$).

Onartuko da ukipen-epea astetan zatikatzea, halako eran non aste bat hilabete baten laurdentzat joko baita (0,25).

Baldin eta obrak egin bitartean lokalaren ukipenaren eragin-maila bat baino gehiago bada, kuota murrizteko gutxitzeko ehunekoa ehuneko partzialak batuz aterako da, betiere ehunekoak aurreko irizpidearekin bat kalkulatu eta gero.

5.- Behin murriztapena eman eta gero, behar gabe jasotako diru-sarrerak itzuliko dira, murriztapenak zenbat jo eta hainbeste itzuli ere.

III.- Ekonomia-jardueren gaineko zergaren Ikusapena.

1.- Iruñeko Udalak zerga horren ikusapena eginen du udal-kuotei dagokienez, hau da, Iruñeko udal-mugartean egiten diren jardueren gaineko kuotei dagokienez, Jarduera Ekonomikoen gaineko Zergaren Tarifak eta Jarraibidea onetsi zituen maiatzaren 28ko 7/1996 Foru Legeak emandako Jarraibidearen 17. arauan xedatutakoarekin bat.

2.- Iruñeko Udala elkarlanean arituko da Nafarroako Gobernuko Ekonomia eta Ogasun Departamentuarekin, zerga ikuskatzeko lurraldeko eta nazioko kuotei dagokienez, horiek subjektu pasiboaren helbide fiskala udal horren mugapean egoteagatik Iruñeko Udalak ordainarazi beharreko kasuetan, Jarduera Ekonomikoen gaineko Zergaren Tarifak eta Jarraibidea onetsi zituen maiatzaren 28ko 7/1996 Foru Legeak emandako Jarraibidearen 17. arauan xedatutakoarekin bat.